

Naalakkersuisut Siulittaasuat  
Formand for Naalakkersuisut



Hr. Hans Enoksen, Inatsisartunut ilaasortaq  
c/o Inatsisartut Allattoqarfiat  
Maani

### **Pisassiisarneq pillugu apeqqut nr. 2009-110-mut akissut**

Inatsisartut suleriaasianni § 36, imm. 1 naapertorlugu 12. oktober 2009-meersumik allagaqarlutit Naalakkersuisunut apeqquteqarputit pisassiisarnerup oqallisigineqarnerani akuliukkumasooqannginneranut tunngassuteqartumik.

Apeqqutigineqartooq matumuuna akissuteqarfigineqassaaq.

#### **Apeqqut:**

Sooq Naalakkersuisut siulittaasuat qalerallinniat saattuarniallu amigaatigineqartumut immikkut pisassinneqarnissaannut akuliunniangila?

#### **Akissut:**

Naalakkersuisunut suliassaqaarfillu agguanneqarnerannut tunngatillugu naalakkersuisooqatigiinni suliassat agguataarneqareerput. Aalisartunut pisassiisarneq pillugu apeqqut suliassaqaarfiuvoq Aalisarnermut, Piniarnermut Nunalerinermullu Naalakkersuisoqarfimmit sularineqartussaq. Taamaattumik Aalisarnermut, Piniarnermut Nunalerinermullu Naalakkersuisoq Naalakkersuisut sinnerlugit tamakkununga tunngasunik suliassanut akisussaasuvoq naammassinnittartuullunilu.

Suleqatimma suliassatik akisussaassuseqarlutik sularisaraat tatigilluinnarpara.

Tamatuma saniatigut suliassat ingerlaartut Naalakkersuisut ataatsimoorlutik eqqartortarpaat.

Apeqqutigeqaatigisannut tunngatillugu ilisimatitsissutigissuara, apeqquteqaatigisat uannut suli apuutinngitsooq naammaginartumik aaqqiivigineqarsimammat Aalisarnermut, Piniarnermut Nunalerinermut Naalakkersuisup, kattuffiit kalluarneqarneqartut, kommuunit aalisartullu akornanni.

Inussiarnersumik inuulluaqqusillunga

  
Kuupik Kleist

9. november 2009  
Sags nr.  
2009-022044  
Dok.nr. 252078

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl